



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ № ՎԿ- 007

«ՎԱՐՉԱԿԱՆ ԻՐԱՎԱԽԱՆՏՄԱՆ ՎԵՐԱԲԵՐՅԱԼ ԳՈՐԾԻ
ՎԱՐՈՒՅԹԸ ՎԵՐՍԿՍԵԼՈՒ ԵՎ ԿԱՐՃԵԼՈՒ ՄԱՍԻՆ»

ք. Երևան

« 21 » Փետրվարի 2023թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի քաղաքաշինության և հողի վերահսկողության վարչության աշխատակից Դ. Աբրամյանի կողմից 26.06.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 48-րդ հոդվածի 3-րդ մասով նախատեսված վարչական իրավախախտում, մասնավորապես՝ քաղաքացի Գրիգոր Պուշկինի Գրիգորյանի նկատմամբ «Վարչական տույժ նշանակելու մասին» 15.05.2020 թվականի N Վ-19/6 որոշմամբ տուգանք նշանակվելուց հետո, Երևան քաղաքի Կ. Ուլենցի փողոցի հ. 30/4 հասցեին կից Երևան համայնքի սեփականությունը հանդիսացող հողամասի գավթման փաստը դեռևս շարունակվում է և իրավախախտման հետևանքները վերացված չեն, որի վերաբերյալ 08.07.2020 թվականին կազմվել է վարչական իրավախախտման վերաբերյալ թիվ 034507 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Քաղաքացի Գրիգոր Պուշկինի Գրիգորյանի լիազոր ներկայացուցիչ, փաստաբան Նաիրա Սարգսյանը (փաստաբանական գործունեության արտոնագիր հ. 1869) բացատրություն տվեց այն մասին, որ արձանագրությունը կազմվել է իր ներկայությամբ և դրանում առկա նշումը կատարվել է իր կողմից: Չեն ընդունում, որ տարածքը իրենցը չէ: Հայցադիմում է ներկայացվել ՀՀ վարչական դատարան՝ «Վարչական տույժ նշանակելու մասին» 15.05.2020 թվականի N Վ-19/6 որոշումը վերացնելու վերաբերյալ, որը ՀՀ վարչական դատարանի կողմից թիվ ՎԴ/4518/05/20 որոշմամբ ընդունվել է վարույթ: Ներկայացնում է հայցադիմումը դատարանի կողմից վարույթ ընդունելու մասին որոշումը և խնդրում սույն գործի վարույթը կասեցնել:

Հաշվի առնելով, որ «Վարչական տույժ նշանակելու մասին» 15.05.2020 թվականի հ. Վ-19/6 որոշումը վիճարկվում է դատական կարգով և ՀՀ վարչական դատարանի 29.07.2020 թվականի թիվ ՎԴ/4518/05/20 վարչական գործով կայացված որոշման համաձայն՝ Գրիգոր Պուշկինի Գրիգորյանի հայցադիմումն ընդդեմ Երևանի քաղաքապետարանի՝ 15.05.2020 թվականի հ. Վ-19/6 որոշումն անվավեր ճանաչելու մասին, ընդունվել է վարույթ, ուստի՝ «Վարչարարության հիմունքների և վարչական վարույթի մասին» ՀՀ օրենքի (հետայսու՝ Օրենք) 49-րդ հոդվածի 1-ին մասի ա) կետի հիմքով՝ 05.08.2020 թվականի հ. Վ-31/2 որոշմամբ, կասեցվել է 08.07.2020 թվականին քաղաքացի Գրիգոր Պուշկինի Գրիգորյանի նկատմամբ կազմված հ. 034507 արձանագրության հիման վրա հարուցված վարչական վարույթը մինչև թիվ ՎԴ/4518/05/20 վարչական գործով՝ գործն ըստ էության լուծող դատական ակտի կայացումը և դրա օրինական ուժի մեջ մտնելը:

Ղատարանի կողմից թիվ ՎՂ/4518/05/20 վարչական գործով կայացված որոշմամբ քաղաքացի Գրիգոր Պուշկինի Գրիգորյանի հայրը բավարարվել է և արդյունքում անվավեր է ճանաչվել 15.05.2020 թվականի «Վարչական տույժ նշանակելու մասին» հ. Վ-19/6 որոշումը:

Նկատի ունենալով, որ 15.05.2020 թվականի «Վարչական տույժ նշանակելու մասին» հ. Վ-19/6 որոշումը դատական ակտով ճանաչվել է անվավեր և այն մտել է օրինական ուժի մեջ, հետևաբար վերացվել է 08.07.2020 թվականին կազմված հ. 034507 արձանագրության հիման վրա հարուցված վարչական վարույթի կասեցման հիմքը:

2. Գործի լուծման համար էական նշանակություն ունեցող սպացույցները.

Հարուցված վարչական վարույթի շրջանակներում գործի քննության ընթացքում՝ որպես մեկ համակցություն, հետազոտվեցին արձանագրությունը, վարչական իրավախախտման վերաբերյալ 15.05.2020 թվականի N Վ-19/6 գործը, լիազորագիրը, Երևանի քաղաքապետարանի աշխատակազմի քաղաքաշինության և հողի վերահսկողության վարչության պետի 26.06.2020 թվականի հ. 19/Մ-141, 19/Մ-126, 07.07.2020 թվականի հ. 19/64279 գրությունները, «Հայփոստ» ՓԲԸ-ի էլեկտրոնային կայքից կատարված քաղվածքը, ինչպես նաև քաղաքացի Գրիգոր Պուշկինի Գրիգորյանի լիազոր ներկայացուցիչ, փաստաբան Նաիրա Սարգսյանի կողմից տրված բացատրությունը և լուսանկարները:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Հաշվի առնելով այն հանգամանքը, որ 08.07.2020 թվականի հ. 034507 արձանագրությունը կազմվել է 15.05.2020 թվականի «Վարչական տույժ նշանակելու մասին» հ. Վ-19/6 որոշմամբ վարչական տույժ նշանակելուց հետո իրավախախտումը շարունակելու համար, իսկ 15.05.2020 թվականի հ. Վ- Վ-19/6 որոշումը դատարանի օրինական ուժի մեջ մտած դատական ակտով անվավեր է ճանաչվել, հետևաբար վերանում է Օրենսգրքի 48-րդ հոդվածի 3-րդ մասով վարչական պատասխանատվության ենթարկելու հիմքը, կամ, այլ կերպ բացակայում է Օրենսգրքի 48-րդ հոդվածի 3-րդ մասի կիրառման պարտադիր նախապայմաններից մեկը՝ նույն հոդվածի 1-ին մասով տուգանված լինելու փաստը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անգզույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 48-րդ հոդվածի 1-ին մասի համաձայն՝ պետական և (կամ) համայնքային սեփականություն հանդիսացող հողամասերն ինքնակամ զավթելը և դրա հետևանքները չվերացնելը՝ առաջացնում է տուգանքի նշանակում՝ սահմանված նվազագույն աշխատավարձի երկու հարյուրապատիկի չափով:

Օրենսգրքի 48-րդ հոդվածի 3-րդ մասի համաձայն՝ սույն հոդվածի առաջին և երկրորդ մասերով նախատեսված արարքներ կատարել շարունակելը սույն հոդվածի առաջին և երկրորդ մասերով նախատեսված կարգով տուգանք նշանակելուց հետո՝ առաջացնում է տուգանքի նշանակում՝ սահմանված նվազագույն աշխատավարձի երկու հազար հինգհարյուրապատիկի չափով:

Օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

Օրենքի 49-րդ հոդվածի 1-ին մասի «ա» կետի համաձայն՝ վարչական մարմինը պարտավոր է կասեցնել վարչական վարույթը, եթե անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը:

Օրենքի 49-րդ հոդվածի 3-րդ մասի 1-ին պարբերության համաձայն՝ սույն հոդվածի 1-ին մասի «ա» կետով նախատեսված դեպքերում վարչական վարույթը վերսկսվում է դրա կասեցումն առաջացրած հանգամանքները վերանալուց հետո:

Ելնելով վերոգրյալից և ղեկավարվելով Օրենսգրքի 48-րդ հոդվածի 1-ին, 3-րդ մասերով, 219.1-րդ, 247-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «ա» կետով, 3-րդ մասի 1-ին պարբերությամբ, ինչպես նաև Երևանի քաղաքապետի 30.05.2022 թվականի թիվ 1986-Ա որոշմամբ

ՈՐՈՇԵՑԻ

1. Քաղաքացի Գրիգոր Պուշկինի Գրիգորյանի նկատմամբ 05.08.2020 թվականի վարչական իրավախախտման գործի վերաբերյալ հ. Վ-31/2 որոշմամբ կասեցված վարչական վարույթը վերսկսել:

2. Քաղաքացի Գրիգոր Պուշկինի Գրիգորյանի նկատմամբ Օրենսգրքի 48-րդ հոդվածի 3-րդ մասով հարուցված վարչական իրավախախտման գործի վարույթը կարճել:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏԻ ՏԵՂԱԿԱԼ՝



ԱՐԱՄ ՄԱՐՏԻՐՈՍՅԱՆ